

**J.P. MEĐUNARODNI AERODROM "SARAJEVO" D.O.O.**

Kurta Schorka 36, 71210 Sarajevo, Bosna i Hercegovina (PoBOX: 61)  
REGISTROVANO KOD: OPĆINSKI SUD SARAJEVO, MBS 65-01-0419-11; JIB 420068970001; CARINSKI BROJ  
200068970001  
RAČUN: UNICREDIT BANK D.D. BIH, 3386902296481517

Vrsta dok.	Izdavač	RB
<b>DOP</b>	<b>2 01</b>	<b>1188</b>

Strana:  
1 od 1

Broj protokola: 02-1-04-7-514-16/21

JAVNO

**DATUM:** 17.11.2021. god.

**PRIMALAC:** MIGROS d.o.o. Sarajevo  
JT2 GROUP GmbH, Starnberg, Njemačka

**PREDMET:** Obavijest: Nabavka robe - Metlice za aerodromske četke

**VEZA:**

Poštovani-a,

Na osnovu člana 71. Zakona o javnim nabavkama ("Službeni glasnik BiH", broj 39/14), obavještavamo vas da je, nakon okončane procedure prikupljanja ponuda za nabavku robe: Metlice za aerodromske četke, provedene metodom Otvoreni postupak, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, kao najpovoljnija ponuda izabrana ponuda ponuđača MIGROS d.o.o. Sarajevo.

S poštovanjem,

  
**DIREKTOR**  
Alan Bajić

**DOSTAVLJENO:**

1. Ponuđačima
2. Upravi Društva
3. Sektoru komercijale
4. Sektoru za PKO poslove
5. Sektoru finansija
6. a/a





UPRAVA DRUŠTVA	Strana: 1 od 2
Broj protokola: 02-1-04-7-5114-15/21	JAVNO

Datum: 17.11.2021. god.

Na osnovu člana 70. Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo i člana 45. Statuta J.P. Međunarodni aerodrom "SARAJEVO" d.o.o. Sarajevo, te Izvještaja i preporuke Komisije za provođenje postupka javne nabavke robe: Metlice za aerodromske četke (sukcesivna isporuka), broj: 04-6-04-7-5114-14/21 od 08.11.201. god., Uprava J.P. Međunarodni aerodrom „SARAJEVO“ d.o.o. Sarajevo, postupajući u skladu sa članom 6. Poslovnika o radu Uprave J.P. Međunarodni aerodrom "SARAJEVO" d.o.o. Sarajevo, izjašnjenjem elektronskom poštom, dana 17.11.2021. god., donosi

## ODLUKU

### I

Kao najpovoljnija ponuda za nabavku robe: Metlice za aerodromske četke (sukcesivna isporuka), ocijenjuje se ponuda ponuđača MIGROS d.o.o. Sarajevo, broj: 021-1085, zavedena na protokol Naručioca pod brojem: 06-04-7-5114-10/21 od 04.11.2021. god., koji je nakon provedene e – aukcije održane dana 08.11.2021. god., ponudio cijenu za navedenu nabavku u iznosu od: 76.462,00 KM, bez PDV-a (slovima: sedamdesetšesthiljadačetristošezdesetdva KM).

### II

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci robe iz tačke I ove Odluke, kojim će se regulisati međusobna prava i obaveze ugovornih strana.

### III

Izabrani ponuđač je, u roku od 7 (sedam) dana od dana prijema Obavijesti i Odluke o izboru najpovoljnijeg ponuđača, dužan dostaviti Naručiocu novi Obrazac za cijenu ponude koji će odražavati cijene iz e - aukcije održane dana 08.11.2021. god.

## Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Metlice za aerodromske četke (sukcesivna isporuka), direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke, broj: 02-1-04-7-5114-3/21 od 05.10.2021. god., a Rješenjem o imenovanju Komisije, broj: 02-1-04-7-5114-4/21 od 07.10.2021. god., imenovao Komisiju za provođenje postupka nabavke.

U skladu sa naprijed navedenom Odlukom, Naručilac je objavio obavještenje o nabavci na portalu javnih nabavki, broj obavještenja: 246-1-1-449-3-77/21 od 06.10.2021. god. Do ostavljenog roka za predaju ponuda, 04.11.2021. god., do 12,00 sati, na adresu Naručioca, ponude su dostavila 2 (dva) ponuđača, i to: JT2 GROUP GmbH, Starnberg, Njemačka i MIGROS d.o.o. Sarajevo.

Na javnom otvaranju ponuda, koje je održano isti dan u 12,30 sati, bez prisustva predstavnika ponuđača, pročitani su nazivi ponuđača i ponuđene cijene.

Nakon javnog otvaranja ponuda, Komisija se sastala radi njihove detaljne analize i konstatovala slijedeće:

-Pregledom ponude ponuđača JT2 GROUP GmbH, Starnberg, Njemačka, Komisija je konstatovala da je ponuda dostavljena u skladu sa zahtjevima tenderske dokumentacije i ocijenjena formalno – pravno, računski i tehnički ispravnom i prihvatljivom za Naručioca.

Preferencijalni tretman domaćeg se ne primjenjuje na ovu ponudu.

-Pregledom ponude ponuđača MIGROS d.o.o. Sarajevo, Komisija je također konstatovala da je i ova ponuda dostavljena u skladu sa zahtjevima tenderske dokumentacijom i ocijenjena formalno – pravno, računski i tehnički ispravnom i prihvatljivom za Naručioca.

Preferencijalni tretman domaćeg se također ne primjenjuje na ovu ponudu.

Vrsta dok.	Izdavač
<b>ODL</b>	<b>01-3</b>
Strana: 2 od 2	
JAVNO	

Kako je Odlukom o pokretanju postupka nabavke t.j. Tenderskom dokumentacijom, shodno članu 25. Zakona o javnim nabavkama, utvrđen metod nabavke Otvoreni postupak, Komisija je ocijenila da postoje uslovi za nastavak postupka dodjele ugovora.

Imajući u vidu činjenicu da je za ovaj postupak nabavke kao kriterij za izbor najpovoljnijeg ponuđača utvrđen kriterij najniža cijena prihvatljive ponude, Komisija je pristupila ocjeni prihvatljivih ponuda, i konstatovala niže navedene cijene u KM:

1. JT2 GROUP GmbH, Starnberg, Njemačka, vrijednost ponude u iznosu od 77.744,24 KM
2. MIGROS d.o.o. Sarajevo, vrijednost ponude u iznosu od 80.000,00 KM

Za ovaj postupak nabavke bila je predviđena e-aukcija, zakazana i provedena dana 08.11.2021. god. u 09,00 sati. Tokom održane e – aukcije, ponuđač MIGROS d.o.o. Sarajevo je svoju ponudu snizio sa 80.000,00 KM na 76.462,00 KM, odnosno 4,42 %, a ponuđač JT2 GROUP GmbH, Starnberg, Njemačka sa 77.744,24 KM na 76.540,26 KM, odnosno 1,55 %.

Nakon održane e- aukcije, Komisija je sačinila Rang listu prihvatljivih ponuda koja glasi:

1. MIGROS d.o.o. Sarajevo, vrijednost ponude u iznosu od 76.462,00 KM
2. JT2 GROUP GmbH, Starnberg, Njemačka, vrijednost ponude u iznosu od 76.540,26 KM

Imajući u vidu naprijed navedeno, Komisija je utvrdila da je najpovoljnija ponuda za nabavku predmetne robe ponuda ponuđača MIGROS d.o.o. Sarajevo, koji je ponudio cijenu kao u dispozitivu ove Odluke, pa je predložila Upravi J.P. Međunarodni aerodrom "SARAJEVO" d.o.o. Sarajevo, da se ugovor dodijeli ovom ponuđaču.

Uprava J.P. Međunarodni aerodrom "SARAJEVO" d.o.o. Sarajevo je postupajući u skladu sa članom 6. Poslovnika o radu Uprave J.P. Međunarodni aerodrom "SARAJEVO" d.o.o. Sarajevo, izjašnjenjem elektronskom poštom, dana 17.11.2021. god., razmotrila dostavljenu preporuku Komisije, te je, nakon uvida u cjelokupno provedeni postupak, istu prihvatila.

Imajući u vidu naprijed navedeno, Uprava J.P. Međunarodni aerodrom "SARAJEVO" d.o.o. Sarajevo je, na osnovu člana 25., a u vezi sa članom 64. Zakona o javnim nabavkama („Službeni glasnik BiH“, broj 39/14) i članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo, donijela Odluku kao u dispozitivu.

**POUKA O PRAVNOM LIJEKU:** Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, J.P. Međunarodni aerodrom "SARAJEVO" d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 10 (deset) dana od dana prijema Odluke.



Prilog: Zapisnik o pregledu i ocjeni ponuda i Izvještaj o toku i završetku e-aukcije od 08.11.2021. god.

**DOSTAVLJENO:**

1. Ponuđačima
2. Upravi Društva
3. Sektoru komercijale
4. Sektoru finansija
5. Sektoru za PKO poslove
6. a/a